



Thomas Egger, directur SAB, Silvia Casutt-Derungs, vicepresidente SGV, Stefan Engler, president grupp parlamentara Muntogna (da sen.).

MAD

Habitaziuns secundaras occupan il cussegl dils stans

■ (cp) L'Associaziun svizra per muntognas (SAB) e l'Associaziun dallas vischnauncas Svizras (SGV) han informau ils 19 da mars commembers dalla grupp parlamentara Muntogna sur dil messadi dalla lescha per habitaziuns secundaras. Cusseglie dils stans Stefan Engler ha envidau sco president dalla grupp parlamentara Muntogna a quei inscunter. *Stephan Scheidegger*, vicedirectur digl Uffeci federal pil svilup dil territori, ha explicau ils puncts centrals dalla lescha. *Thomas Egger*, directur dalla SAB e *Silvia Casutt-Derungs*, vicepresidente digl SGV, han giudicau il sboz

dalla lescha per habitaziuns secundaras ord l'optica da lur organisaziun. Schibein la SAB sco era igl SGV considereschan il sboz per la lescha da habitaziuns secundaras sco proposta raschuneivla ed acceptabla. Explicitein vegn era beneventau ch'il cussegl federal ha definau in pachet da mesiras flancontas per sminuir las consequenzas dall'iniziativa da limitar la construcziun da habitaziuns secundaras.

Il cussegl dils stans vegn a tematisar la lescha sco emprem cussegl. Cusseglie dils stans *Ivo Bischofberger*, che presiedescha la cumissiun predeberonra dil

cussegl dils stans, ha definau sco finamira da saver tractar quella fatschenta en la sessiun da zercladur. Perquei vegni la cumissiun ladinamein a tractar quella lescha en sias sesidas previdas egl avrel e matg. Ei seigi d'eminente impurtonza ch'ei detti schi spert sco pusseivel segirezia da dretg en caussa. Ei seigi era da definir il status dallas habitaziuns existents il gi dall'acceptaziun dall'iniziativa. Plinavon seigi da definir pli exact tgei habitaziuns che crodien sut la lescha e tgei premissas che valien per ina construcziun pusseivla da letgs administrai.